



Улорно эл, порымиз да гим берр!

11 (3243) №,  
2016 ий 12 март,  
шуматкече.

# ЯМДЕ ЛИЙ

1933 ий 1 февраль годсек лектеш.

0+

## Ўярнялан – “визытан”!



**Ўярня кува-влакым ончалын кычкырал-мет шуэш:**

– **Стройыш рын шогалза!**  
**Лўмышта т уло: Уनावий, Салика, Марпа кока, Тачана кува да молат.**



Теве Советский район Ронго школн 4-ше клас-сыштыже тунемше Ксения Ягодарова аваж дене пырля Ўярня кувам «чиктен», Матрана лўмым пуэн. Ты конкурсышто сенгышыш Советский район Ўшнур школ лектын (кўшыл снимкыште).

7 мартыште Оршанке район Тошто Крешын школ пелен йоча Ўярня пайрем эртен. Тушко индеш школ: Тошто Крешын, Упша да Кугунур (Оршанке район), Ронго, Ўшнур (Советский), Медведево районысо Шойбулак, Йошкар-Оласе 21-ше номеран, У Торъял район Кузнеч да 1-ше номеран Морко – ушнен. А калыкше-е мыняр шуко погынен! Нуным Оршанке администраций вуйлатыше Леонид Николаевич Безденежных саламлен. Пайремым Марий Эл Республикысе тўвыра рўдер (вуйлатыше – Наталья Васильевна Пушкина) ямдылен. Чылажат моткоч онай лийын, йоча-влаклан пеш келшен – тугеже «5»-ым шындаш лиеш!

**Умбакыже – 2-шо лаштыкыште.**



**Шуко уна коклаште РФ Кугыжаныш Думын депутатше Лариса Николаевна Яковлева Илюша уныкаж дене лийын.**



**Ўярня**  
 нерген муро шагал аралалт  
 кодын. Но йоча-влакым мок-  
 талтыман, нуно ятыр кычал  
 муыныт. «Ўярня такмак» конкур-  
 сышто У Торъял район Кузнец  
 школ 1-ше верым налын.  
 Вуйлатышышт – Л.Н.Веденькина,  
 М.К.Петухова, В.Э.Смирнова.

**Сылне пайрем Ўярня  
 Шуйна ынде ик арня.  
 Кушташ-мураш ик арня  
 Толын ынде Ўярня.**

Марий калык могай гына мелнам кўэш-  
 тын ок мошто! Тўрлő районышто – тўр-  
 лым, да эше тўрлын лўмдат. Мутлан,  
 Оршанке район Кугунур школын туне-  
 мшыже-влак конкурсыш команмелнам,  
 шыл да паренге кўргашаным, вичкыж  
 мелнам, подкогылым конденыт. Советский  
 район Ўшнур велне паренге мелнам,  
 тыгыде мелнам, шўрашан мелнам, вичкыж  
 мелнам йўратат.

«Ўярня мелна» конкур-  
 сышто сеңышыш 1-ше  
 номеран Морко школ  
 лектын. Вуйлатышышт –

С.В.Никитина, Э.П.Архипова, Т.Г.Емельянова.



«Марий йўла чоныштына  
 ила» квест шинчымашым  
 тергыше модышлан шотлал-  
 теш. Команде-влаклан, поче-  
 поче вич станцийыш логал-  
 мек, йодыш але заданийлан  
 вашешташ кўлын. Тиде конкур-  
 сышто сеңышыш Советский  
 район Ўшнур школ (вуй-  
 латыше – А.В.Васи-  
 льева) лектын.



Ўярнявара дене мунчал-  
 таш куштылгыжак огыл  
 улмаш! У-у-ух! – южышт  
 камвозыт да лумышто  
 почангыт. «Ўярнявара дене  
 мыняр торашке мунчал-  
 тет, йытынет тунар кужу  
 шочеш, ўмыретат тунар  
 кужу лиеш», –  
 ойлен тошто  
 марий калык.

Ик  
 мужыр ечыш ку-  
 мытын шогалын мунчал-  
 ташат мастарлык кўлеш.  
 «Шола! – Пурла! – Шола!»  
 манын от командоватле  
 гын, тунамак шун-  
 галтат.

Тиде маскайол  
 але рушлаже  
 снегоступ мана-  
 лтеш. Ожно сар  
 годым салтак-  
 влак лум  
 ўмбач



кош-  
 таш  
 маскай-  
 олым чие-  
 ныт. Кидмастар  
 Виталий Кудрявцевын  
 темлымыж почеш  
 маскайол дене  
 танасымашым Ўярня  
 модыш программыш  
 пуртымо.

**Н.СЕМЕНОВА.**



**А  
 те ве  
 издер  
 дене  
 мун-  
 чал-  
 таш  
 нимо  
 нелы-  
 жат уке!**



Авторын да Марий тўвыра рўдерын фотошт.



### Порылыккан туныкта

Эн йоратыме кино – «Хроники Нарнии: Лев, колдунья и волшебный шкаф». Тиде приключений сынан фильм. Икана йоча-влак шылын модыт да шкаф гочын йомак тўняш – Нарнийыш – логалыт. Тиде фильм порылыккан, чын верч шогаш, лўддымў лияш туныкта.

**Алёна ВАСИЛЬЕВА.**

**Морко, Эңерсола.**

Кино Сай, пайдале.

Ушым пуа, умылтара, туныкта.

Оңай сўрет-влак.

Куан.

### Тўнялан палыме

Мыланем тўрлў кино келша. Шукерте огыл «Путёвка в жизнь» йўкан икымше кино куанен ончышым. Тушто Йыван Кырла модын. Тудым эскерен, кумыл нўлталтеш. Тале марий поэтна возаш веле огыл, киноштат модаш мастар улмаш. Мастарлыкше дене пўтынь тўнялан палыме лийын. Тыгай лўмлў енна дене ме кугешнена.

**Оля КОЛЕСНИКОВА, 6-шо класс.**

**Волжский, Карай.**



### Нина келша

Ачам-авам, акам да шўжарем «Кавказская пленница, или Новые приключения Шурика» фильмым ончаш йўратена.

Тиде кино Леонид Гайдай 1966 ийыште сниматлен.

Мыланем Нина койышыжо келша.

Неле годым ойгырен ок шинче, тудым сенаш тўрлў йўным муэш.

Фильмыште осал паша ышталтеш гынат, мыскара сынан улмыжо кумылым нўлта.

Кино илыш нерген шонкалаш тарата.

**Ольга ПАКЕЕВА, 6-шо класс.**

**Шернур, Марисола.**



1926 ий 18 январьыште «Броненосец Потемкин» шем-ош кинон премьерыже Москвасе Арбатыште верланыше «Художественный» кинотеатрыште лийын. Театрыште тыршыше-влак морской формым чиеныт. А театр фасад корабльым ушештарен. Кинофильмын режиссёржо – Сергей Эйзенштейн. Кум арня жапыште кино 300 тўжем ен ончен.

Оңай



### Оңай арня

«Шочмо

йылме» арням пайдалын эртарышна. 9-10-шо класслаште тунемше-влак «Изи шўдыр» пырдыжгазетым луктыныт. 5-ше «А» ден 5-ше «Б» классла коклаште КВН лийын. Тушто келшынамаш сенен. Изирак класслаште тунемше йоча-влак марла почеламутым сылнын лудыныт.

**А.Г.КРОПОТОВА, туныктышо.**

**Советский, Вечын.**

Калык пале

Мартыште теле лўдыкта, да шкеже шула.

Кукшо

март – киндылан, йўран гын, шурно начар шочеш.


### Кугешнем, ялем

Ўштымбал ялна кугу: школ, йочасад, кум кевыт, почто, книгагудо, медпункт улыт. Ял покшелне сарыште колышо-влак лўмеш обелиск шога. Тушко телым лумым эрыкташ коштына. Ялемым йўратем да тудын дене кугешнем.

**Илюша ПАЙМЕРОВ,**

**2-шо класс.**

**Куженер район.**



### Мелнаже, ай, тамле!

Ўярня арняште кажне кечын мелнам кочкына. Тутло мелнам кунамже ковам, кунамже авам кўэштыт. Ачамат тыгыде мелнам пеш тамлым ямдыла.



**Даниил АЛЕКСЕЕВ.**

**6-шо номеран Морко школ.**

Йошкар-Оласе школлаште марий йылмым тунемше-влак «Илыше классике» конкурсын олесе этапыштыже мастарлыкыштым тергышт. Тагасымаш 30-шо номеран школышто эртыш. Йоча-влак С.Чавайнын, М.Шкетанын, О.Шабдарын, К.Васинын, А.Мичурин-Азмекейын сылнымутыштым лудыч. Жюри эн сайын лудшо кум тунемшым палемдыш. Тиде Арина Филатова (20-шо №-ан школ), София Павлова (14-ше №-ан гимназий), Мария Марченко (1-ше №-ан школ).  
 Ёдыр-влак олан чапшым республикысетыгаяк конкурсышто аралаш тўналыт.

**Оласе марий йоча**

## «Морко районнын шочшыжо улам!»

Тыге кугешнен ойла Арина Филатова. Тудо Морко район Кожлаерыште шочын, а кызыт Йошкар-Олаште ила. Кокымшо класс марте Кожлаертўншколышто тунемын. Марий йылмым да литературым тунуктышо Раисия Михайловна Калашникова почеламутым сылнын лудмо конкурслашке изинек ушен.

– Морко район талант памашлан шотлалтеш. Тиде кундемшыте шочмемлан тауштен илем. Ты лўмым эре кўшнў кучаш тыршем, – ойла Арина.

Йошкар-Оласе 20-шо номеран школышто шинчымашым погаш тўналмекеже, изи ёдырын артист койышыжым марий йылмым тунуктышо Людмила Иосифовна Ярославцева шижын шуктен. Тылеч вара Аринам почеламутым сылнын лудмо олесе тўрлў конкурсышто эре сеныше радамшыте ужаш лиеш. Ёмаште Морко районусо

«Илыше классике» конкурлан кочам Вениамин Климентьевич Степанов (шуко жап Кожлаер школын директоржолыйын – ред.) дене ямдылалтна. М.Шкетанын «Опой кува» ойлымышыж гыч ужашым лудынам. Опой куван образшым почын пуаш, сценышке могай вургемым чиен лекташ – кочам дене канашышна.

Пумырышто эртаралтше Колумб лудмаште иктагашыже-влак коклаште кокымшо вер дене палемдалтын.

Йошкар-Олаште марий йылмым тунемше-влаклар марла конкурс-влак («Самырык тукым», «Илыше классике», Колумб лудмаш да молат) эртаралтыт. Тиде моткоч сай! Йоча-влак ваш-ваш палыме лийыт, икте-весыштын мастарлыкыштым аклаш тунемыт. Тўнжў – марий мурым мурат, марла почеламутым лудыт. Тидыже марий йылмым пагалаш, марий тўвырам, йўлам аралаш да вияндаш полша. Тыште

тунуктышо-влакын надырышт моткоч кугу.

Урок деч вара чолга марий ёдыр Арина 3-шо номеран музыкальный школыш вашка. Наталья Анатольевна Кожевникова вуйлатымыш почеш фортепьяном шокташ тунемеш. Кумиржылан артистке Светлана Строганова,

мурозо Лилия Петуховам шотла. Нуным эскерен, сценыште шкем чын кучаш

тунемеш. «Авам йўдвелышке пашам ышташ коштеш. Тунам пеленем ковам ден кочам лийыт. Нуно мыйын верч чот тыршат. Мыйын кажне сёфымашем – кочам ден ковамлар кугу куан да пўлек», – ойла Арина.

Олаште илыше марий икшывылан марий койыш-шоктышым арален кодымаште кўлшў условий – ешыште марий шўлыш озаланышаш!

**Л.ГРИГОРЬЕВА.**

**Авторын фотожо.**

**Марий самырык театрлан - 25 ий**



Марий Эл Республикысе йоча да самырык-влакын театр-пўдгер (Марий самырык театр)



Вознесенский урем, 87

**19 март**  
шуматкече

16+

**ВЕСЕЛА ПУДЫРАПЧЫК**  
**мыскара**  
**концерт**



Касым сьрестарет:  
Вера Горохова, Аариса Сидоркина, Сергей Карпов,  
Александр Кожевников, Виталий Кудрявцев, Сергей Пакаев,  
"Марий подготыгаль" команда,  
"Весела кова" ден "Тодыра сем" ансамбль-влак,  
Театр-рўддерын артистше-влак,  
Марий кутыжаныш университетын студентше-влак да молат

**15.00**  
шагатлан тўналеш



**Ак: 150-250 тен.**

Художественный вуйлатыше - Россия да Марий Эл искусствын сўпта деятельке **Олея Ирибаев-Этайн**

йодышлан телефон:  
**30-46-80, 30-46-70**  
www.mari-tuz.ru

информаций пошылык:  
**Марий Эл**  
www.mari-tuz.ru



**Телым сай**

Мый шорык-йол тылзын 25 кечыштыже шо-чынам, садлан те-лым пеш йоратем. Кажне кечын урок деч вара йолташ-влак дене курыкышто мунчалтена, яндар южым шүлена. Физ-культур урокышто ече дене коштына. Йоча-влак, теат ече дене коштса!

**Дима СМИРНОВ,**  
Марий Турек,  
Лебедево.

Тыгай конкурс изирак класс-влак коклаште эртаралтын. Кум еш: Надежда ден Владислав Савельевмыт Артём эргышт дене, Альбина Дмитриева Денис эргыже да Максим тукым шольж дене, Света Князева Никита да Богдан эргыже-влак дене - тагасен. Алёна Вячеславовна, мечым, тоям, шарым, скакалкым, кирам кучылтын, пеш онай тагасымаш-влакым ямдылен. Жюри шотлымыж почеш, 1-ше классын ешыже, Савельевмыт, сенгышыш лектын.

**С.М.МАКСИМОВА,** туныктышо.  
Параньга, Матародо.



**ВОТ ВЕТ, КУЗЕ ВЕТ**

- 100 метрым пеш эркын куржыч! - физкультурым туныктышо тунемшыжым шылтала. - Тый иктаж-мом писын ыштен кертам? - Кертам. Мый пеш писын ном.

**Спорт дене кылым кучыза!**

Мый пеш чот спортым йоратем. Футбол дене модам, ече дене коштам да куржталам. Йолташ-влак дене пырля урок деч вара вигак спортплощадкышке куржына. Тушто туризм дене ямдылалтына. Шукерте огыл Йошкар-Олаште эртыше тагасымаште 2-шо верым налынам. Спорт да туризм дене кылым кучаш тендамат, йоча-влак, ўжам.

**Женя СЕМЁНОВ,** 4-ше класс.

Марий Турек, Арбор.

Ачам дене коктын түрлө упражненим ыштена, турникыште капкылнам нолтыштына, бокс дене заниматлена. Телым ече дене коштмо пеш пайдале. Кумыл нолталтеш, таза-лык пенгыдемеш, түрлө чер «лудын куржеш».

**Дима ОГУРЦОВ,**  
Волжский,  
Сотнур.

**Ўшан - Петялан**

“Эн тале спортсменлан ком шотлада?” - Советский районысо Кельмаксоло школышко мийымына годым йодым. “Шымше классыште тунемше Петя Ерослановым!” - туныктышат, тунемше-влакат ик




семян вашештышт. Петялан спортын түрлө видше келша. Йолташыже-влак дене пырля футбол дене школын чапшым район күкшытышто арала. Но эн чот куржталаш да ече дене кошташ йората. «Кужу дистанцийыш куржмаште вий-куатым моштен кучылтман, - ойла Петя. - Финишыш шумаште весым эртет гын, кугу куан!» Самырык спортсменын тун шонымашыже - ГТО нормым шукташ. Умаште күкш лектышым ончыктен. Тидлан тудым физический культурым туныктышо Евгений Юрьевич Марков ямдыла.

**Л.ГРИГОРЬЕВА.**

Яндар юж ушым пусемда, шым пенгыдемда.



«Ачай, авай да мый - спортым йоратыше еш»



Мый ече дене кошташ йоратем. Ялна деч тораште огыл Чонга курык уло.

Тушко кажне кечын гаяк мунчалташ каем. Курык вуйыш күзен шогалат гын, иктаж 25 менге тора ш чылажат кидкопасыла коеш. Могай мотор кундемем!

**Евгений МИХАЙЛОВ.**

Морко, Кумужъял.



**Ш**укерте ожно Урал кундемьсе пич чодыраште Эл лўман рвезе ден шонго аваже иленыт. Эрге патыр, тале, лўддымў сонарзе лийын.

– Эргым, чодыра поянлыкым илаш с и т ы ш ы м гына нал. П ў р т ў с Кугу Юмо опкын койышым ок йўрате, – ава эргыжым туныктен ойлен.

Эл аван мутшым колыштын, поро чонан, пўртўс дене икоян лийын кушкын.

Но кенета ава черланен. Шонгыен шижын, ўмыржў вашке кўрылтеш. Шўм падырашыжым воктекежыке ўжын, кидшым кучен, эркин пелештен:

– Эргым, чодыра коклаште шкетланет йўсў лиеш. Илыш корнетым муаш тырше, пиалан лий. Чодыра корно дене кает, олыкыш логалат. Тушто изи эңер йўга. Йўгын почеш ошкыл. Кугу эңерыш ушнымаште ең-влак илат манын колалтын. Тыят нунын деке ушнен иле. А кугезе мландетым нигунам ит мондо...

Ава, ойлен пытарыде, шинчажым курымешлан петырен.

Эл эрге, шочмо суртлан тауштен, котомкашке кинде сукурым пыштен да

корнышко лектын. Шукошагал кая, курыкан чодыра рала гоч вонча да олык мучко шыргыктыше изи эңер деке миен лектеш. Аван ойлымыж семынак йўгын почеш ошкылеш. Теве эңер чашкер коклашке йўген пура, а ончылно пеш волгыдын коеш, Эл эргын шинчажат кенета йўмалт кая. Тыгай кугу вўдым тудо нигунам ужын огыл. Вўд ик верыште шинчымыла коеш. Но тўсленрак ончалат гын, эңерын эркин ийын кайымыже шижалтеш. Чодыра шенгеке чеверген волышо кече кас шумо нерген

палдырна: пушышто ең шинча, тич темше вўдым копаж дене кышкаш тўча. Эл эркин лишемеш, еңым кидше гыч кучен, шке пушышкыжо шупшылеш. Тунамак садетын пушыжо вўд йўмак кая.

– Мый Марий улам. Колым кучаиш лектынам. Пушемже тошто, эше укшыш логале ала-мо, – колымаш деч утлышо пўрўен умылтараш тўча. Элын кидшым кученат, изин-кугун таушта: – Тау, шоляш. Мыйым утараш тыйым Юмо колтен, товатат. Мый Урал кундем гыч улам, тышке шошым, мланде кошкымеке, толынам.

Эңер воктен илаш верым кельштаренам. Ты кундемыште иктымат ужалтын огыл ыле. Айда мый декем.

– Поро шомакетлан тау. Мыйжат вет Урал кундем гыч толам, – куанен Эл.

Кече кечым покта, кенеж телым алмашта. Марий ден Эл коктын келшен илат. Пўтынъ чодыра поянлык нунын кидыште: сонарыш коштыт, емыж-саскам погат, колым кучат. Кававомыш гыч порсын лўнгалтыш дене волышо ўдыр дене Марий ешым чумыра, тукым вожым шуя. Нунын илыме кундемым Марий ден Эл манаш тўналыныт. Тиде мланде кызытат чодыран кундемыште, кугу Юл эңер серыште верланен. Таче тудым Марий Эл манын лўмдена. Тушто ме, марий-влак, кугезе тукым Урал мландынам шарнен илена.

**Э.ЗАХАРОВА.**

**Параньга, Матародо.**

**Ф.ЛЕБЕДЕВАН сўретше.**



шижтара. Патыр рвезе, улак верым муын, ласка омо дене мален колта.

Эрдене Эл, эңер вес серышке вончаш манын, пушым йўнештараш тўналеш. Шуко жапат ок эрте, пушыш шинчын, вўд ўмбаке лектеш. Йўрваш тыгай тымык, ик мутым пелеште – йўк торашке шергылтеш. Кенета, шыптымыкым кўрлын, «Утарыза-а-а, полшыза-а!» кычкырыме шокта.

Эл йырымваш ончыштеш, но нимо ок кой, нугыдо тўтыра пызырен. Ик тат гыч адак польшым йўдын кычкырыме йўк шокта. Рвезе, пуш кольмыжым писынак тарватылын, тўтыра коклашке иеш. Ынде раш

## Колым кучаш йөрәтем



Янгетсола ялем воктене плотина уло. Тушко мый ачам пелен колым кучаш коштам. Кодшо мийимем-лан латвизытым кученам. Мый колым кучаш пеш йөрәтем. **Эрвин МОРОЗОВ, 1-ше класс. Параньга, Матародо.**

Март – нугзолым кучымо жап. Ты кол 7-10 шагат коклаште да 16 шагат гыч йүд марте сайын чүйнга.

## Когыльо

Колюш кугу колым кучен конден. Колюшын коваже куанен, конгаште кол көрган когыльым күктен. **Когыльым кочкаш Колюш Качырий кокажым каласен. Кован күэштме когыльо Колюшланат, кокажланат келшен. Колюш кастане колым кучаш каен.**


**Денис ВАСИЛЬЕВ, 5-ше класс. Морко, Шордүр.**

## Чайгоркан кокымшо умьгржө



Мотор сүретан, но катлыше кылан чайгорка-влаклан кокымшо «умьрым» пөлеклышна. Нунылан вургемым пидна. Чайгоркалаш рокым оптен, шоганым шындышна. Шоган, мотор «пёртлан» куанен, вашке ужаргыш (снимкыште).

**И.В.НИКИТИНА, воспитатель. Медведево, У Арбан.**



## Шола гыч пурлашке:

4. Фольклор жанр. 6. Йо-ча-влаклан возышо руш поэт-писатель. 7. «Күртнӧ вий» романын авторжо. 9. Европысо элын рӱдолаже. 11. «Яндар йӱкан кукужо» почеламутым возышо автор. 13. Журналист, «Марий Эл» газетын

тӱн редакторжо А.С.Абдуловын псевдонимже. 15. Пионерын арверже. 18. Марий АССР-ын калык поэтше, Сталинский премийын лауреатше. 20. Я.Ялкайнын сылнымутшо. 21. Марий поэт, Олык Ипай лӱмеш премийын икымше лауреатше. 22. Э.Архипован оперыже. 23. Олык Ипайын йомакше.

**Кӱшычын улыкӧ:** 1. Кукуруз гыч ыштыме кочкыш. 2. Поэт-лирик А. Январевын псевдонимже. 3. К.Васинын чуваш поэт К.Ивановын поэзийжым руш йылмыш кусарен возымо книгаже. 5. Угарман областысе эгер. 8. «Садер коклаште» произведенийын авторжо. 10. Марий композитор. 12. А.Конаковын драмыже. 14. Канада гыч французла возышо ӱдырамаш писатель. 16. 1923-1953 ийыште Совет элын чыла калыкшым ончыко вӱдышӧ ен. 17. Иканаште тӱрлӧ пашам шуктышо ялозанлык машина. 18. Изи йочан шочмо кечыжым эртарыме годым йыр шогалын муралтыме муро. 19. Марий драматург С.Николаевын пьесыже.

**Вячеслав АЛЕКСАНДРОВ ямдылен. Йошкар-Ола.**

## ТУШТО

Латкок курныж, витле кок чана, кумшӱдӧ кудло вич шырчык ик муным мунченят.

Индекс  
Роспечать - 52713, МАП - 78574.  
Тираж 1300 экз. Заказ 736.  
Формат - А-4-8.  
Директор-тӱн редактор  
**Л.В.СЕМЕНОВА.**

E-mail: yamde\_lii@mari-el.ru,  
yamde\_lii@mail.ru  
Сайтын адресше: yamde-lii.ru,  
Тел. 45-25-49(факс);  
45-22-82.

**УЧРЕДИТЕЛЬ-ВЛАК:**  
Марий Эл Республикысе культур, печать да национальность паша шотышто министерстве, "Ямде лий" газет" кугыжаныш унитарный казенный предприятий.

Газетым Массовый коммуникаций сферыште да культур наследийым аралымаште законодательством шуктен шогым эскерыше Федеральный службыв Приволжский федеральный округысо управленийыштыже регистрироватлыме. Номер - ПИ №ФС 18-1999, 2005 ий 10 февральыште пуымо.


0+

Печатьыш пуымо жап - 14-00, фактически - 13-00.  
Ак - кутырен келшыме почеш.

Авторын да редакцийын шонмашыш тӱрлӧ лийын кертыт. Серыш-влак мӱнгеш огыт колталт.

Газетым редакцийыште погымо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Редакцийын да издательнын адресше: 424006, Йошкар-Ола, СССР Вооружённый Вийын 70-ше идалыкше урем, 20.



Ракетылан тылзе деке миен шуаш полшо. Корнышто вашлялтше онгылаште вашмут "4" лийшаш. Нуным нарынче түс дене чиялте.

Теней теле лумлан поян. Вончыдур ялыште илыше Рая ден Ониса бавай-влакын кудывечыштымат тич темен. Унала миенам ылят, лумым шупшаш лектым. Пеленем шўжаремат тарваныш. Мемнам ужын, пошкудо йоча-влак полшаш толыыч. Рўж пашалан пижын, лумым нумалынат пытарышна. Чын ойлат, келшымаште – вий.



**Ковалан полшена**

Павел НИКИТИН, 2-шо класс.

Йошкар-Ола, 27-ше школ.



Миша кечывал деч вара 3 шагатлан мален колтен да 4 шагат да 15 минутлан помыжалтын. Тудо мыняр жап мален?

**Вонзем, кузем**  
– Ёдырем, тый таче шымше ганалан пўетым эрыктет!  
– Чумыр арнялан ситыже манын шонем.

**Вашке – шошо**

Теле эртенат кайыш. Шошо толмо шижалтеш: чевер кече шыратен онча, лум шула, кудывечыште мланде коеш, кече палынак шуйнен. Тиде мыйын кумылем нўлта. Мыланем шошо келша.

Елена ФЛЕГЕНТОВА.

Морко, Коркатово.



Юлиана АНТРОПОВАН сўретше.

Волжский, Сотнур.



Лу ойыртемым му.

